

**DAVID TUKU MUNE  
MUNE WAŊE  
DAVID TUKU MUNE**

**51**

David nu Batseba ndoŋ unekina le tuan taŋgo Natan pro David mbar maŋau kina ta tuku sana le David nu mune te kuyarna.

- <sup>1</sup> O Kuate, kume pur maŋau ta ne tugu. Ne sine make patikate wam ta mata suŋgokanu. Ta tuku ne ye maŋeyumba ye tuku une ŋakmba sauka kile-sika.
- <sup>2</sup> Ne ye tuku mbar maŋau ŋakmba sauka gilaiŋga le ye ne am mbolŋge tiŋreknu purfeŋnu mayok ka.
- <sup>3</sup> Ye siŋka mbaren sulumba une maŋau ken. Wam ta ye mara mindek idusmba minet.
- <sup>4</sup> Ye ne am mbolŋge mbaren. Mbar ta ne kumamma ken. Ta tuku ne kumumbi ye tumba pasa mbolŋge pilit.
- <sup>5</sup> Ye inaŋge te-pile ndakina ait ta ye une ŋak minen. Nu ye te-pilna le ye mbar maŋau kam tuku ndo mayok kan.
- <sup>6</sup> Ye maŋau purfeŋnu tugusek ndo dubiki ŋga ne wamdus suŋgo ŋak minit. Ta tuku ne wamdus kuyar mayenumbi ye sinzaŋya.
- <sup>7</sup> Ne ye tuku une ta ŋakmba sauka kile-sika. Taŋawa le ye ne am mbolŋge purfeŋnu ndo mayok ka.
- <sup>8-9</sup> Ne ye piti suŋgo sina le ye tuku saŋgri ŋakmba kuganaig.
- Ne ye tuku mbar maŋau ta kile-sikumba ye tuku une ta nduiye gilaiŋga.
- Taŋamba ne naŋe gare maŋau ta ye sa le ye maŋ gare-gareki.

- <sup>10</sup> O Kuate, ne ye tuku ŋgamuŋgal purfeu sera sulumba ye tuku wamdus te-tiwe sa le ye ne ndo dubinam idusi.
- <sup>11</sup> Ne ye pitai ndayumba naŋe Tukul Guwa mata ye yai ndaya.
- <sup>12</sup> O buk ne ye te-luka tina le ye gareyina.  
Tajamba ndo ne naŋe gare maŋau ta sa le ye maŋ gare-gareki.  
Ye mara mindek ne ndo dubinam tuku wamdus tambi sinzaŋya.
- <sup>13</sup> Tajawa le ye une ŋak mbal ne tuku wam tugusek ta tumningi le nane mbilka ne dubinamuŋgaig.
- <sup>14</sup> O Kuate, ye ndare kutuwen ta idusmba ne ye ka-suryumba pasa mbol pile ndaka.  
Ne ye mapeyumba ye te-luka ta le ye ne tuku maŋau tiŋreknu ta idusmba mune-munekamuŋgit.
- <sup>15</sup> O Sunjo, ne ye sinzaŋya le ye maŋ yiŋe miŋgemi ne tuku nyu te-duŋgi.
- <sup>16</sup> Ye ne tuku atrauka agaŋmor kilmba bale farmba pasoki le ugwaig ta ne nzali ndanate.
- <sup>17</sup> O Kuate, ye tuku atrau agaŋ ta ye yiŋe nyu te-ibenmba ne kumnemŋe mini ta ne nzalinate.  
Ye ŋgamuŋgal biye mbilmba ne tugum prowi ta ne ye pitaiye nda.
- <sup>18</sup> Ne Yerusalem fonde kareŋnumbi te-kormba naŋe nzali dubimba Sion mbal sinzaŋninga le nane mine magewaig.
- <sup>19</sup> Tajamba nane tukul dubimba makau pailnu kilmba ne tuku atrauka agaŋmor ta bale farmba pasoka ugwaig le ne gare-garekamŋgat.

**KUATE TUKU PASA**  
**Portions of the Old Testament and The New Testament in the**  
**Siroi Language of Papua New Guinea**  
**Sampela hap Buk Baibel long tokples Siroi long Niugini**

copyright © 1975, 1999 Wycliffe Bible Translators, Inc.

Language: Siroi

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 19 Oct 2021 from source files dated 17 Oct 2021

9d2e8659-afb4-5cca-93d8-23ebf89e1709